



**KOMITMEN:** Bersama Ahmad Muzaffar Ahmad Bakri, Ketua Penolong Pengarah Bahagian Governan IPTA di Felda Sahabat, Lahad Datu sebelum aktiviti saringan dimulakan.

## HUMS giat program CERAH di Lahad Datu dan Sandakan UB 07.09.2023 P.06

**KOTA KINABALU:** Hospital Universiti Malaysia Sabah (HUMS) terus mempergiatkan program *Cancer Empowerment, Outreach and Awareness (CERAH)* dengan menyantuni masyarakat di Felda Sahabat, Lahad Datu dan Kg Gum-Gum, Sandakan baru-baru ini.

Penyelaras program CERAH, Dr. Nurfarahin Musa, berkata pelaksanaan program itu adalah bagi mengadakan saringan

Kanser Pangkal Rahim melalui ujian papsmear dan ujian HPV secara percuma kepada golongan wanita berisiko tinggi.

“CERAH merupakan inisiatif yang dimulakan oleh HUMS untuk memartabatkan liputan saringan kanser di Sabah.

“Oleh itu, pelaksanaan program CERAH akan lebih kerap dilaksanakan terutama di beberapa tempat yang berada di Sabah,” katanya.

Nurfarahin berkata program yang merupakan kolaboratif bersama Program Kementerian Pengajian Tinggi (KPT) Madani itu diketuai oleh Pegawai Perubatan HUMS, Dr Hiew Wuan Teng.

“Penghargaan juga diberikan kepada pengerusi CERAH, Dr Nik Amin Nik Lah yang telah menubuhkan program yang memberi manfaat secara langsung kepada masyarakat setempat,” katanya.

Menerusi program itu, HUMS menyaring 25 wanita dan menjalankan ujian lanjutan untuk 13 wanita.

Turut terlibat dalam program itu Ketua Penolong Pengarah Bahagian Governan Institusi Pengajian Tinggi Awam (IPTA), Ahmad Muzaffar Ahmad Bakri; Ketua program KPT Prihatin Madani, Dr Rishaini Elengovan, dan tiga orang jururawat daripada HUMS yang membantu menjayakan program itu.